



03.april 2019

UPA2019/88/111

Nunami maani angerlarsimaffeqanngitsut pillugit ajornartorsiuteqarnermut aaqqiissutissanut eqqarsartussamik suleqatigiisitamik suligasuartussamik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Suleqatigiissitaq politikerinut aaqqiissutissanik tigussaasunik siunnersuuteqassaaq innersuussuteqarlunilu aamma kingusinnerpaamik ulloq 31. august 2019 saqqummiussissaaq suliniutissat akilersornissaannut aaqqiissutissanullu

(Inatsisartunut ilaasortaq Aleqa Hammond, Nunatta Qitornai)

Ataatsimoortumik oqaaseqarfigineqarnerat

Nunatta Qitornaaniit pingaartilluinnarparput innuttaasut tamarmik angerlarsimaffeqarsinnaanerannut pisinnaatitaaffeqarnerat nunatsinnit aamma malinneqarnissaa. Naalagaaffiit Peqatigiit 1948-mi aalajangersakkamik nunarsuarmut tamanut atuuttussamik inuit pisinnaatitaaffiini akuersipput, uanilu qulequttanut marluusuunut atuuttumik immikkut aalajangersagaqarpoq tassalu Pisinaatitaaffinni artikel 22, tassani oqaasertaqarmat kinaluunniit inuiaqatigiinni inuttut isumagineqarluni toqqissisimasunik atugaqarsinnaaneranut illersugaasoq, uanilu pingaartinneqarluni inuttut ineriartornissamat kiffaanngissuseqarlunilu inuunermik ingerlatsisinnaaneq ineriartorsinnaanerlu. Angerlarsimaffeqanngikkaanni imminerisamik nammineq kiffaanngissusiingaasoqartarmat aammalu ineriartorsinnaaneranut killilimmik atugassaqartitsisoqarsinnaasarmat.

Nunatta Qitornaaniit aamma isumaqarpugut ullutsinni inissaqarniarneq ineqarnerlu maannakut aaqqiissuusaanerput naapertorlugu akissaq akiliisinnaassutsimut naapertuuttuannannginnera, tamassumalu nassataraa inuppassuit akissarsiaqqortunngitsut aammalu akunnattumik isertitaqartut malinnaaniapiloorneri ilisimaaringatsigu. Aaqqiissuussinitsinni pingaaruteqarpoq aaqqiissuussissangatta tamanut inissaqartitsisumik aammalu akiliisinnaassutsit assigiinngiaarnerinut naleqqussarsimasumik.

Taamaammat pingaaruteqarpoq oqaatigissallugu naalakkersuisut sanaartornermut politikkianni aamma eqqarsaatit taama ittut ilanngullugit sulissutigissagaat. Ingerlaffik amerlanerujartortumik angerlarsimaffeqanngitsut nappassinnaangilarput. Siunissamat qaamasumut tamanut inissaqartitsisoq aqqutigisariaqarparput.

Kikkulluunniit inigisaminnit imaaliillaannaq anisitaasinnaanngillat, tamanna pisortat ineqarfiutaanni maleruagassat naapertorlugit ikiorneqarnissaannik, akiliinissamat eqqaasissuteqarnissaannik, isumaqatigiissuteqarsinnaanerannik periarfissiisoqartarput. Ilanngullugu isiginiarneqassaaq pisortat ikiorsiisarnerannut peqqussut naapertorlugu ikiorserneqarsinnaaneq pillugu qaammarsarneqartarnissaq pisariaqarsorinaqaaq.

Nunatta Qitornai

Inatsisartuni



Pilersaarutit siammasissut pisariaqarput aammalu pilersaarusiorniaanni misissueqqissaarsimanissaq avaqqunneqarsinnaanngilaq, taamaammat siunnersuutigineqartut taperserpavut siunnersuutillu ilaqutariinnermut ataatsimiittitaliamut ingerlateqqillugit.